

Fol. 37 r.

- 1795 Non tiene en cuenta los mozos que ha matados;
Lo que cayó ael mucho era fobeiano.
Mío çid don Rodrigo, el que en buen oza nascó,
De toda la su quinta el diezmo¹ la¹ mandado.
Alegres son por valencia¹ las yentes e pilianas,
1800 Tantos auen de aueres, de cauallos , de armas;
Alegre es donna e imena , sus fijas amas,
E todas la(s) otras dueñas que tienen por casadas.
El bueno de mío çid non lo tarde por nada:
«¿Do fodes, caboso? Venid aca, mynaya;
1805 Delo que auos cayó vos non gradeçedes nada;
Defta mi quinta, digo uos fin falla,
Prended lo que quisieredes, lo¹ otro Remanga.
E cras ha la manana¹ yz uos he des fin falla
Con cauallos defta quinta que yo he ganada,
1810 Con fiellas , con frenos , con sennas espadas;
Por amor de mi mugier , de mis fijas amas,
Por que affi las en bio dond ellas son pagadas,
Estos Dozientos cauallos yzan en presentaias,
Que non diga mal el Rey alfonso del que valencia manda».
1815 Mando a pero vermuez que fueffe con mynaya.
Otro dia manana priuado caualgauan,
E dozientos omnes lieuan en su conpanna,
Con faludes del çid que las manos le befaa:
Defta lid que ha arrancada .cc. cauallos le enbiaua en presentaias¹,
1820 «E feruir lo he¹ sienpre mientras que ouiffe el alma».

Notas paleográficas

[Anterior](#)

[Volver al índice](#)

[Siguiete](#)